

UNIVERZITET U SARAJEVU
FAKULTET SPORTA I TJELESNOG ODGOJA
Broj:
Sarajevo, 07.12.2015. godine

Bosna i Hercegovina - Federacija Bosne i Hercegovine
FAKULTET SPORTA I TJELESNOG ODGOJA
UNIVERZITETA U SARAJEVU
SARAJEVO

Primljeno: 14.12.2015			
Org. jed.	Broj	Prilog	Vrijednost
01	4291	I	15

P R A V I L N I K

**o organizaciji Ljetne škole na Fakultetu sporta i
tjelesnog odgoja Univerziteta u Sarajevu**

Decembar, 2015. godine.

Na osnovu člana 124. stav (2) alineja d) Zakona o visokom obrazovanju Kantona Sarajevo prečišćeni tekst („Službene novine Kantona Sarajevo“, broj: 22/10), člana 92 Statuta Univerziteta u Sarajevu Nastavno-naučno vijeće fakulteta na sjednici održanoj 7.12.2015. godine odlukom broj:01-4291/15 usvojilo je:

P R A V I L N I K

o organizaciji Ljetne škole na Fakultetu sporta i tjelesnog odgoja Univerziteta u Sarajevu

Član 1. (Djelovanje)

Ljetna škola Fakulteta sporta i tjelesnog odgoja (u daljem tekstu: Fakultet), djeluje u okviru Centra za cjeloživotno učenje Fakulteta (u daljem tekstu: Centar).

Član 2. (Ciljevi)

Ljetna škola se organizuje radi ostvarenja slijedećih ciljeva:

- omogućavanja naprednim studentima da steknu dodatna znanja i sposobnosti, kao i znanja predviđena nastavnim sadržajima iz naredne školske godine,
- dopunske pripreme studenata koji imaju poteškoće pri sticanju minimalnih znanja i sposobnosti predviđenih nastavnim sadržajima iz aktuelne studijske godine,
- obezbjeđivanja pretpostavki za izlazak na završni ispit studentima koji to nisu uspjeli tokom redovne nastave,
- upoznavanja svršenih studenata Fakulteta (alumni) sa novim znanjima i sposobnostima neophodnim za poboljšanje njihove pedagoške prakse, nakon završetka studija,
- podsticanje domaće i međunarodne studentske razmjene.

Član 3. (Efekti)

Realizacijom ciljeva organizacije Ljetne škole treba da se ostvare slijedeći efekti:

- povećanje nivoa i kvaliteta kompetencija,
- povećanje prolaznosti studiranja (uz zadržavanje ili povećanje kriterija prolaznosti),
- razvoj ambicije za uspješnije studiranje kod svih studenata,
- promocija kulture izvrsnosti i mobilnosti,
- unaprjeđenje kulture sticanja aktuelnih znanja i sposobnosti kod alumni i pospješivanje ideje cjeloživotnog učenja.

Član 4. (Program rada)

Ljetnom školom u okviru Centra za cjeloživotno učenje realizuju se dvije vrste programa: program formalnog i program neformalnog obrazovanja.

a) Program formalnog obrazovanja

Program formalnog obrazovanja vezan je za ponovno izvođenje nastavnog sadržaja iz odabranih nastavnih predmeta prvog i drugog ciklusa studija iz osnovne djelatnosti Fakulteta sporta i tjelesnog

odgoja.

Program formalnog obrazovanja Ljetne škole Fakulteta treba slijediti satnicu, sadržaj, predavače i način provjere znanja, procedurama definisanim u redovnim studijskim programima. Kroz predavanja i vježbe izvodi se najmanje 2/3 sati nastave, a 1/3 nastave se realizira kroz konsultativnu nastavu. Nastava se realizira na bosanskom i/ili engleskom jeziku.

Izbor nastavnih predmeta u programu formalnog obrazovanja vrše sami studenti prema svojim afinitetima, popunjavanjem obrasca za prijavu na Ljetnu školu. Izvedbeni plan formalnog obrazovanja u studijskoj godini predlaže voditelj Ljetne škole u saradnji sa prodekanom za nastavu, a konačnu odluku donosi Nastavno-naučno vijeće Fakulteta.

Izvedbenim planom obuhvaćeni su sljedeći elementi: nazivi nastavnih predmeta za koje su studenti iskazali interes, raspored časova, vrijeme i mjesto realizacije nastave, način evidencije prisutnosti i način provjere znanja i ocjenjivanja.

b) Program neformalnog obrazovanja

Program neformalnog obrazovanja vezan je za pojedine teme iz oblasti sporta i tjelesnog odgoja, koje će polaznicima dati dodatna znanja potrebna za rad, različite društvene aktivnosti ili lični razvoj, u skladu sa filozofijom cjeloživotnog učenja.

Program neformalnog obrazovanja predlaže voditelj Ljetne škole a usvaja ga Nastavno-naučno vijeće Fakulteta.

Pored naziva teme, program neformalnog obrazovanja mora imati definisan programski sadržaj, realizatore programa, trajanje programa, kao i datum, vrijeme i mjesto izvođenja.

Završetkom bilo kojeg programa Ljetne škole, polaznici stiču pravo na dodjelu odgovarajućeg sertifikata.

Član 5.

(Termini i trajanje)

Program Ljetne škole formalnog obrazovanja održava se u julu u skladu sa Akademskim kalendarom, koji usvaja Senat Univerziteta u Sarajevu. Nastavne aktivnosti Ljetne škole izvode se radnim danima, subotom i nedjeljom, u terminu od 8:00 do 20:00 sati.

Program Ljetne škole neformalnog obrazovanja održava se u junu ili julu.

Tačne termine Ljetne škole formalnog obrazovanja i Ljetne škole neformalnog obrazovanja objavljuje Fakultet na svojoj web stranici najkasnije 15 dana prije početka izvođenja nastave.

Precizan raspored izvođenja nastavnih aktivnosti izrađuje voditelj programa Ljetne škole na osnovu izvedbenih planova, upisanog broja polaznika, broja grupa za predavanja /vježbe.

Raspored izvođenja nastave mora biti objavljen najmanje 48 sati prije početka izvođenja nastave.

Član 6.

(Realizatori)

Realizatori nastavnih sadržaja formalnog obrazovanja Ljetne škole su u pravilu isti nastavnici i saradnici koji su izvodili nastavu i u redovnom nastavnom procesu na Fakultetu.

Realizatore programskih sadržaja neformalnog obrazovanja Ljetne škole, na prijedlog voditelja, bira Nastavno-naučno vijeće Fakulteta vodeći računa o zahtjevima teme Ljetne škole. Pored nastavnika i saradnika Fakulteta, realizatori ovog programa Ljetne škole mogu biti istaknuti stručnjaci iz prakse i naučni radnici sa drugih institucija iz zemlje i inostranstva.

Za drugo i svako naredno održavanje Ljetne škole kriterij izbora i angažovanja realizatora nastave na Ljetnoj školi neformalnog obrazovanja mora biti i rezultat anketiranja i evaluacije polaznika Ljetne škole u prethodnoj studijskoj godini.

Sa svakim realizatorom programa Ljetne škole sklapa se ugovor kojim se definišu prava i obaveze obje strane.

Član 7.
(Prisustvo i provjera znanja)

Prisustvo svim oblicima nastave Ljetne škole je obavezno. Realizatori programa Ljetne škole, dužni su voditi preciznu evidenciju o realizaciji nastave i prisutnosti polaznika. Realizatori nastave također su dužni provoditi kontinuiranu provjeru znanja u skladu sa usvojenim sistemom provjere znanja i ocjenjivanja iz redovnog nastavnog procesa.

Član 8.
(Osiguranje kvaliteta)

Evaluacija kvaliteta realizacije svih oblika Ljetne škole provodi se anketiranjem polaznika. Anketiranje je anonimno, a sprovodi ga Odbor za kvalitet na osnovu upitnika koji je usvojilo Nastavno-naučno vijeće Fakulteta. Odbor za kvalitet dužan je napraviti izvještaj o rezultatima anketiranja i upoznati dekana i Nastavno-naučno vijeće Fakulteta. Osim rezultata ankete izvještaj treba imati i rezultate nadzora o provođenju svih planiranih oblika obrazovanja u skladu sa rasporedom aktivnosti i predviđenim programom.

Član 9.
(Certifikati)

Svaki polaznik programa Ljetne škole dobiva certifikat o završetku programa. Certifikat se izdaje na obrascu utvrđenom izvedbenim planom i odlukom Nastavno-naučnog vijeća Fakulteta na bosanskom i engleskom jeziku. Polaznici Ljetne škole koji slušaju program formalnog obrazovanja, dobivaju na kraju certifikat koji sadrži podatke o broju osvojenih bodova tokom kontinuirane provjere znanja, kao i o broju odslušanih sati i broju ECTS kredita. Polaznici Ljetne škole koji slušaju program neformalnog obrazovanja, dobivaju certifikat koji sadrži samo podatke o broju odslušanih sati. Certifikate, koji se izdaju polaznicima Ljetne škole, potpisuju dekan Fakulteta i predmetni nastavnik - realizator programa. Ukoliko polaznik bilo kojeg oblika Ljetne škole ne ispuni obaveze definisane izvedbenim planom, Fakultet mu nije dužan izdati certifikat.

Član 10.
(Polaznici)

Polaznici Ljetne škole mogu biti studenti Fakulteta sporta i tjelesnog odgoja i drugih fakulteta/akademija Univerziteta u Sarajevu, te studenti ostalih domaćih i inostranih univerziteta. Polaznici mogu biti i svi oni koji imaju interes za usvajanjem znanja iz oblasti sporta i tjelesnog odgoja, a za koje se može očekivati da mogu savladati programe željenih kolegija. Odluku o upisu polaznika Ljetne škole donosi Nastavno-naučno vijeće Fakulteta na prijedlog voditelja Ljetne škole.

Član 11.
(Upis)

Upis na Ljetnu školu započinje danom oglašavanja obavijesti o organizovanju Ljetne škole na web stranici ili oglasnoj ploči Fakulteta. Zainteresovani polaznici popunjavaju obrazac za upis na Ljetnu školu i prilažu neophodnu dokumentaciju. Nakon isteka predviđenog roka, voditelj Ljetne škole upoznaje Nastavno-naučno vijeće Fakulteta sa listom prijavljenih kandidata, nakon čega Nastavno-

naučno vijeće utvrđuje konačnu listu polaznika Ljetne škole.

Polaznici programa formalnog obrazovanja mogu upisati najviše dva nastavna predmeta koja će pohađati tokom Ljetne škole, a polaznici programa neformalnog (tematskog) obrazovanja upisuju cijeli program.

Član 12. (Kotizacija)

Prilikom upisa polaznik potpisuje ugovor u kojem se navode sva prava i obaveze polaznika, kao i visina kotizacije za učešće u Ljetnoj školi, prethodno utvrđena odlukom Nastavno-naučnog vijeća Fakulteta.

U izuzetnim slučajevima, dekan Fakulteta može osloboditi od plaćanja dijela upisnine, te odrediti niži iznos upisnine za najuspješnije studente Fakulteta koji pohađaju program Ljetne škole kao napredni studenti u svrhu ubrzanog studiranja ili sticanja dodatnih znanja i sposobnosti.

Kotizacija za ljetnu školu se uplaćuje u skladu sa obavještenjem o upisu, prije početka pohađanja Ljetne škole. Povrat upisnine polaznik može ostvariti u slučaju odustajanja od pohađanja Ljetne škole, iz opravdanih razloga, najkasnije 24 sata prije početka nastave.

U slučaju kada student započne bilo koji program Ljetne škole ili ne ispuni obaveze tokom trajanja Ljetne škole, ne ostvaruje pravo na povrat kotizacije.

Član 13. (Prihod i troškovi realizacije)

Ukupni prihod od kotizacija za izvođenje programa Ljetne škole raspodjeljuje se u skladu sa odredbama Pravilnika o sticanju i raspodjeli vanbudžetskih sredstava Univerziteta u Sarajevu i to za:

- Fond za zajedničke potrebe Univerziteta10%
- Razvoj i unaprjeđenje Ljetne škole30%
- Materijalne troškove organizacije nastave10%
- Naknade nastavnicima i saradnicima realizatorima programa Ljetne škole40%
- Naknade nenastavnom osoblju direktnim učesnicima realizacije Ljetne škole10%

Po završetku programa Ljetne škole i svih aktivnosti vezanih za školu, voditelj programa Ljetne škole izrađuje izvještaj o realizaciji škole sa prijedlogom za raspodjelu sredstava i podnosi ga dekanu Fakulteta.

UNIVERZITET U SARAJEVU
FAKULTET SPORTA I TJELESNOG ODGOJA


Dekan
Prof. dr. Nusret Smajlović

